



UKA 2023/18

28/9-2023

Jens-Frederik Nielsen

**Uunga siunnersuut Aningaaasarsianit akileraarutit pillugit Inatsisartut inatsisaata allanngortinneqarnera  
pillugu Inatsisartut inatsisaat**

**(Sulisitsup akiligaanik angalanerit akileraaruteqaataannginnissaat, nalikkilliliisarneq pillugu male-  
ruagassanik allannguinerit, amigartoorutit ukiuni tulliuttuni ilanngaatigineqarsinnaanerannik sivit-  
suineq, selskabit piginnittuusut iluminni nuussisarnerat pillugu maleruagassamik qasukkaaneq, er-niat  
nunanut allanut akilikkat ilaasa akileraarutaannik unerartitsarnissaq, kapitali 3 b nutaaq, sel-skabit  
iluanaarutisiarititaminnik ilanngaateqarsinnaannginnerannik, iluanaarutisiat ilaasa ilanngaa-  
tigineqarsinnaanerannik atorunnaarsitsinermik, iluanaarutisiat ilaasa akileraarutaannik appaanermik  
aamma selskabit pigisat iluanaarutisiarititaasa ilaasa akileraarutaannik atorunnaarsitsinermik imaqartoq  
il. il. )**

(Aningasaqarnermut, Naligiissitaanermut, Aatsitassanut, Inatsisillu Atuutsinneqarnerannut  
Naalakkersuisoq)  
(Siullermeerneqarnera)

Nuannersortai aallaqqaasiutigilaarlakka. Demokraatit iluarismaartorujussuuat, sulisitsisumit angalanerit  
akilerneqartut akileraarutitaqannginnerisa eqquteqqinnejarnialernerat. Angalanernut taakkununng  
akileraarusersuineq sinnganermik aallaaveqarnerusimavoq, maannalu allaffisorneraqarpallaarnera  
paasinarsisimalluni. Demokraatit nuannaarutigaat, tamanna maannakkut nassuerutigineqarmat.

Akerlianit siunnersuutip sinnerata pitsaassusaa torragivallaanngilarput. Siunertarineqartumut  
isumaqataavugut tassa, nunanit allanit aningaaasaleerusuttut annertusarniarsarissagigut nunanilu allaniit  
atingaaasaleerusuttunut naalleraanerit peerneqassasut. Kisiannili soorlu imattoq, siunertarisat taakku  
pitsaasut inatsisinit paasiuminaatsunit ipisinnejartut taassumalu kinguneranik allaffisornerulernermik.  
Tassunga aamma ilanngunneqassaaq, inernerisaata maani nunatsinni aningaaasaliinissaq  
pilerinarnerulersippasinngimmagu. Tamanna soorunami naleqquatinngilaq. Demokraatit  
maluginiarpaattaaq, tusarniaanermik isornartorsiuismik akissuteqarsimasut soorlu assersuutigalugu  
Sulisitsisunit, GrønlandsBANKEN-imit aammalu Grønlands Revision-imiit.

Tamannaluuna tunngavigineqarluni ataatsimiititaliami sukumiilluinnartumik sulisoqarnissaa pisariaqartoq,  
suleqatigilluarluta aningaaasaliiniartut pitsaasumik periarfissaqartissagatsigit inatsit  
paasiuminaanningunngikkaluarlugu taamatullu pisortat allaffisornermut aningaaasartuutaat  
qaffatsinngikkaluarlugit.

Taamaattumik Demokraatit siunnersuutigerusuppaat, Aningasaqarnermut- aamma Akileraartarnermut  
ataatsimiititaliap tusarniaanermi isornartorsiuismik akissuteqarsimasut ataatsimiititaliap  
ataatsimeeqatiserissagai, taamaaliornikkut siunnersuutip suliareqqinnissaanut pingaarutilinnik  
isummersuutinik pissarsisoqarniassammatt. Siunnersummi siunertasooq soorlu oqaatigineqareersoq



nunatta siunissaanut pingaaruteqarpoq. Taamaattumik pingaaartuuvoq, siunnersuutip sukumiisumik suliarinissaa nunatsinnilu suliffeqarfiit kattuffiillu pitsaasumik isumassarsiorfiusinnaasut tusarnaarnissaat.

Paasinnilluta siunnersuutip sukumiisumik Aningaasaqarnermut- aamma Akileraartarnermut ataatsimiitaliami suliareqqinnejarnissaa innersuussutigaarput.